

PUSAT PENGAJIAN KEJURUTERAAN AWAM UNIVERSITI TEKNOLOGI MARA CAWANGAN PULAU PINANG



Kursus *Road to UiTM CPP Apple Teacher Certification*

Hazrina Ahmad, Nor Azliza Akbar, Badrul Nizam Ismail

Pada 10 September 2024, seramai 17 orang warga UiTM Cawangan Pulau Pinang (UiTM CPP) telah berjaya memperoleh pengiktirafan sebagai Apple Teacher menerusi penyertaan dalam Kursus Road to UiTM CPP Apple Teacher Certification, yang dianjurkan secara kolaboratif antara pihak Switch dan Bahagian Penyelidikan, Jaringan Industri, Alumni dan Masyarakat (PJIAM) UiTM CPP. Program ini telah berlangsung dari jam 9.00 pagi hingga 1.00 tengah hari bertempat di MIT, Switch HQ (Mainland), Bukit Mertajam, dan diwakili oleh Ts. Dr. Mohd Ikmal Fazlan Rozli bagi pihak UiTM CPP. En. Alliff Azlan, selaku Pegawai Pendidikan Switch dan Apple Professional Learning Specialist (APLS), telah mengetuai sesi pembelajaran sepanjang program.



Gambar 1: Sesi pembelajaran

Kursus ini telah memberikan pendedahan intensif melalui enam modul utama yang menumpukan kepada penggunaan aplikasi Apple dalam konteks pendidikan. Modul-modul tersebut merangkumi penggunaan iPad sebagai alat pengajaran asas, Pages untuk penghasilan bahan pengajaran, Keynote untuk persembahan interaktif, Numbers untuk analisis data pendidikan, serta iMovie dan GarageBand untuk penghasilan kandungan multimedia yang menarik. Aktiviti secara langsung ini membolehkan peserta mengaplikasikan teknologi Apple dengan lebih berkesan dalam proses pengajaran dan pembelajaran. Sesi kuiz Apple Teacher turut dijalankan sebagai penilaian akhir sebelum peserta dianugerahkan pengiktirafan rasmi.

Fakulti Pengajian Kejuruteraan Awam telah menghantar tujuh (7) orang wakil pensyarah yang bersemangat tinggi dalam meningkatkan keberkesanan kaedah pengajaran mereka melalui teknologi semasa. Penyertaan ini mencerminkan komitmen fakulti dalam memperkukuh kemahiran digital warga akademik dan menyokong usaha UiTM dalam memacu transformasi pendidikan yang lebih interaktif dan berimpak tinggi. Program seperti ini amat digalakkan untuk diteruskan bagi memperluas pembangunan profesional staf akademik pada masa hadapan.



Gambar 2: Peserta Pengajian Kejuruteraan Awam UiTM CPP